

左恪靖侯奏稿初編

恪靖奏稿初編卷六目錄

圍攻龍湯兩城截剿金蘭援賊情形摺

定海兵圍會同輪船接捕海盜情形片

查明副都統關門殉難情形摺

請將陣亡參將 賜卹片

查明失事可原各員懇請免罪摺

請將殉難知縣 賜卹片

懇准已革總兵留營差遣片

連復郡縣生擒首逆摺

請將高總兵仍留浙江軍營片

查辦浙省失事各員分別定擬

圍攻龍湯兩城截剿金蘭援賊情形摺

奏爲官軍圍攻龍游湯溪兩城截剿金華蘭溪援賊并
獲勝仗見籌辦理情形恭摺奏報仰祈

聖鑒事竊自官軍進攻龍游湯溪蘭溪全浙之賊亦併
力西趨堅固抗拒湖紹兩郡之賊僞戴王黃呈忠僞首
王范汝增僞梯王練業坤各率其黨麇聚金華白城西
至酤坊開化村白龍橋一帶連營數十里其新昌嵊縣
諸暨浦江各縣之賊與蘭溪踞匪譚星合勢自縣北將
軍嚴大慈嚴南至溪西一帶亦連營數十里意在急解

兩城之圍而城賊及附城各壘之賊固匿不出雖時出
零賊潛赴各村往來掠食思以窺探援賊消息然見官
軍至輒縮退城壘施放槍礮十一月十三三十三二十
四及十二月初十等日龍游各營截擊城壘潛出之賊
約共斃賊數百名而已其蔣益澧圍湯溪一軍十一月
二十二日會督臣所派康國器各營迎勦逆首范汝增
練業坤於白龍橋殺賊約一千餘名生擒百餘名奪獲
賊馬二十六匹旗幟無算二十四日湯溪城賊知援賊
且至兩次出城撲我營壘均經副將熊建益擊退是日

蘭溪之賊亦渡河而來蔣益澧派隊擊之陣斬逆賊二百餘名生擒十七名二十六日蔣益澧劉典康國器分攻醴坊援賊陣斬數百名十二月初八日蔣益澧因所開地道無成績攻湯溪賊壘竟日斃賊約數百名而副將何萬華守備賀啟泰自險登壘中礮陣亡勇士之亡傷者又三百餘人壘仍未破也十四日蔣益澧劉典康國器會剿援賊於開化村亦斃賊數百而蔣益澧所部遊擊彭承壽復以征攻賊壘中礮陣亡此蔣益澧一軍戰事情形也其劉典一軍除會剿金華援賊外十一月

二十五日會蔣益漕所部擊逆首譚星於羅埠附近地方殲斃悍賊六七百名生擒三十名是役幾生獲譚星因賊之洋槍隊蜂擁護之該逆易馬而遁僅奪其馬二十六日魏喻義潛搗蘭溪北境將軍嚴之賊焚賊七營獲賊三百餘名十二月初十日同知劉璈率所部三百人會署蘭溪縣知縣江紹華夜攻溪西賊壘中伏而敗遊擊銜都司李錦棠守備賀秩成譚永和把總劉德明侯忠信且堵且衝力戰陣亡勇丁團丁之亡傷者百六十餘人然賊中巨首益姓當經官軍陣斬其悍賊之經

官軍擒斬者亦二百餘名副將黃有功復於收隊時悉
力截勦連斃騎馬賊日三名陣斬悍賊百餘名死傷之
衆亦略相當矣劉典料賊必由西路上犯約蔣益澧派
隊助勦十一日夜帶所部伏馬公嘴近村以待次日賊
果蜂擁而至劉典俟其深入始斜出抄之四面縱擊斃
賊七八百名內有譚逆之姪譚榮生擒百餘名獲馬十
餘匹二十一日夜劉典率水陸各營進攻蘭溪城賊
仍固圍不出僅斃其放哨之賊數十奪賊船八隻而還
賊目張成功乘間率其黨五百餘詣蔣益澧軍前乞降

此劉典一軍戰事情形也。見在龍湯兩城之賊，若威益甚，雖各路援賊大至，均因官軍處處隔截，未能會合。米相子藥接濟，早斷勢難久存。惟局勢有不容不慮者：賊勢西趨，雖圖解龍湯兩城之圍，然其詭計則似恐官軍由西而東，日進日偏，妄思乘間西竄，爲出死入生之謀。見在甯波官軍漸偏，曹娥江距紹興府城僅五十里，而首賊梯三逆未嘗回顧，是賊之注意西竄亦可槩見。臣軍以江皖爲後路，蘭溪之賊可由壽昌間道出常山而入江，亦可由遂安而入皖。全華之賊可由松陽遂昌出

山以入江亦可由龍泉以入閩此數縣者皆斷難任
其侵軼惟有勉力圖維隨時咨商閩浙督臣江西撫臣
力保完善之區以制方張之寇斷不敢稍有疏懈致誤
戎機留有戰事實任情形及豫籌辦理大槩謹會同協
辦大學士兩江總督臣曾國藩閩浙總督臣耆齡恭摺
具奏伏乞

皇上聖鑒訓示謹

奏同治元年十二月二十八日

議政王軍機大臣奉

前另有旨欽此

定海兵團會同輪船搜捕海盜情形片

再甯波府定海廳洋面遼闊島嶼紛岐素爲盜賊出沒之所本年夏秋間廣東盜船蟻聚該廳岑港洋面伺劫商賈意在久踞聞八月二十四日花旗國副將法爾師德輪船到定海時署定海同知劉國觀及團紳林正盛陳裕權等與法爾師德等商添雇輪船四隻會同官兵民團合剿二十六日護定海總兵印務鎮海營參將袁君榮署定海廳劉國觀率民團同法爾師德等擊賊於

岑港破之賊之逃匿海界者經民團擒斬殆盡共斃盜
匪七百餘名兵勇陣亡五名團勇陣亡四十一名連日
接捕洋面安靜商民稱快此次勦捕洋盜弁勇民團尙
爲出力可否擇尤酌保數名之處出自

聖裁所有定海兵團會同花旗國輪船接捕海盜情形
理合附片陳奏伏乞

皇上聖鑒訓示謹

奏
同治元年十二月二十八日

議政王軍機大臣奉

旨另有旨欽此

嚴政王軍機大臣 字寄同治二年正月十三日奉

上諭左宗棠奏官軍圍攻龍游湯溪兩城截剿金華蘭溪援賊疊獲勝仗見籌辦理情形一摺官軍進攻龍游湯溪全浙之賊亦併力西趨堅固抗拒湖紹兩郡賊首偽戴王等各率其黨聚集金華城外連營數十里新昌等處之賊與蘭溪麗匪譚星合勢亦連營數十里十一月十三至十二月初十等日龍游各營截擊出城之賊約幾數百名將谷澧關湯溪等軍自十一月二十二日

至十二月二十一日一月之中疊有新獲官軍因攻壘
未下亦有傷亡尙未能十分得手見在龍湯之賊接濟
已斷勢難久存著左宗棠督飭蔣益澧劉典等軍乘勝
攻拔無稍鬆勁該逆等注意西竄欲抄官軍後路不可
不嚴爲防範常山江山等處路路可通著卽飛飭閩浙
總督江西巡撫一體派兵嚴防左宗棠亦應豫爲部勒
於賊竄江皖道路嚴密布置毋任乘間竄突竄波官軍
漸偏曹娥江距紹興府城僅五十里如漸偏漸緊該逆
等亦未必不分兵回援該撫務當激勵中外各軍實力

進初以牽賊勢近日軍情仍著隨時應奏以慰廟堂另
片奏定海總洋面巡船蟻聚上年閏八月間署同知劉
國觀等與花旗國副將法爾師德籌商添雇輪船會剿
竄盜七百餘名請將出力擇保數員等語定海兵團會
同花旗國輪船接捕海盜倘屬認真著准其擇尤酌保
數員以示鼓勵前據李鴻章等奏英國提派白齊文法
恩爾德會帶常勝軍法恩爾德見往甯波防剿等語是
否卽法爾師德該國副將現在何處防剿能否得力並
著左宗棠查明具奏已故副都統傑純知縣吳保豐已

照左宗棠所請明降諭旨分別賜卹建祠已革總兵羅
大春已革知縣許瑤光等亦俱降旨准其留營效力矣
將此由五百里諭令知之欽此

查明副都統關門殉難情形摺

奏爲遵

旨查明乍浦副都統在杭城陣亡關門殉難情形懇

恩賜卹恭摺仰祈

聖鑒事竊本年三月二十七日奉

上諭薛煥奏訪問杭城殉難各員情形等語副都統傑
純確已死難屍骸均無可查各情薛煥是否所聞確實
著交左宗棠詳細查明迅速分別請卹等因欽此臣聞
傑純爲人忠直壯烈出於性生前咸豐十年三月杭城

已陷旋即克復實傑純力戰之功其時傑純長子誦純
鏖死於陣即傑純未嘗回顧也解嚴後日以練兵習戰
爲事六月十月兩次力捍危城厥功亦偉十一年九月
大股逆賊復圍杭城紹興又陷糧乏援絕至十一月二
十八日省城失守十二月初二日未刻駐防之城始隨
之而陷昨嚴郡克復後杭城避難上民有陸續逃來者
臣真詳加訪問據稱十一年九月廿四日城外岳墳之
戰一十六等日城外六橋之戰十一月初二日鳳山
門之戰皆純血戰之功其時外間傳聞杭城屢獲勝

似者以此而六橋之戰斃賊尤多一十八日辰刻杭城
陷時傑純退守內城已知事無可爲猶縱橫血戰不已
迨十二月初一日未刻內城陷傑純始磨其次子固魯
經出城自與賊巷戰於花市營左肩右臂均爲槍礮所
洞力竭捐軀固室舉火自焚據固魯經所稟伊父傑純
殉難情形與臣所聞相符臣痛其死事之狀與疊次血
戰之功當時未得詳請奏牘深恐史臣無從紀述或致
忠烈之實掩抑不彰謹據實稟陳伏懇

皇上天恩將杭州殉難乍浦副都統傑純

飭部照部統例從優議卹

予諡並宣付史館詳撫事實立傳表揚以昭忠節傑純
屢次力捍杭城士民言之猶有餘痛應請

旨准其於杭州乍浦建立專祠以順輿情其長子前次
殉節之請蘇鏗及此次同殉之子婦鈕呼嚕氏赫舍哩
氏孫男六品藍翎匠役崇翰步甲崇勛再勝孫女庚姑
辰姑僕洪邦興僕婦吳氏王氏楊氏婢女增祿桂香等
共十三人可否懇

恩議卹共附入傑純專祠之處伏候

聖裁其次子固魯鏗係江蘇補用直隸州知州聞見赴
京師可否交部帶領引

見出片

天恩所有查明副都統傑純在杭川陣亡暨闔門殉難
請

旨賜卹各緣由恭摺具奏伏乞

皇上聖鑒施行謹

奏同治元年十二月二十八日

議政王軍機大臣奉

旨另有旨欽此

同治二年正月十三日內閣奉

上諭左宗棠奏遵旨查明副都統陣亡並闔門殉難情
形懇恩賜卹一摺乍浦副都統保祐於咸豐十年三月
浙江杭州省城失陷後殺賊血戰伊長子訥蘇經死於
陣前數日內省城藉以克復解嚴後日以練兵習戰爲
事六月十月兩次力保危城十一年九月以來岳墳六
橋鳳山門等處之戰疊獲勝仗皆該副都統血戰之功
十一月二十八日因糧盡援絕杭城復陷保純猶復退

守內城縱橫血戰迨內城又陷復與賊巷戰於花市營
力竭捐軀並閭室舉火自焚一門忠烈可嘉可憫係純
著加恩照都統例從優議卹准其予諡並將死事情形
宣付史館於杭州乍浦建立專祠伊長子訥蘇鏗子婦
鈕呼魯氏赫舍哩氏孫六品藍翎匠役崇綸步甲崇勛
再勝孫女庚姑辰姑僕洪邦興僕婦吳氏王氏楊氏婢
女增祿桂香均著分別旌卹並附入傑純專祠伊次子
江蘇補用直隸州知州固魯鏗著該部帶領引見以示
篤念忠藎至意欽此

請將陣亡參將

賜卹片

再臣軍見進壽昌蘭溪延訪士民從前軍務得失據蘭溪紳士僉稱上年四月初間壽昌失守時前撫臣王有齡派參將王浮龍帶奮武軍一千名赴蘭溪防堵仍歸張玉良節制張玉良將該參將之兵分爲三起以三百守蘭城以三百守界址嶺止留四百名交王浮龍帶駐小丁嶺以扼壽昌之衝至二十三日蘭溪失守張玉良之兵失退嚴州王浮龍腹背受敵仍率數百人會同團練鏖戰於小丁嶺屢次殺賊至五月初五日賊眾遙聚

禦賊受傷及到任未久隨同克復地方清節可原者若
舉予嚴議既無以昭明罰勅法之公而人才實難亦無
以收宵過策功之效況新復之地在在需材得一熟習
地利民情之員以供差委較之新進者尤爲有益謹擬
於失事各州縣中擇其情節尤有可原者五員詳陳事
實繕具清單可否仰懇

皇上天恩准將開單各員革職免其治罪留營差委之
處出自

鴻施理合恭摺具奏伏乞

皇上聖鑒訓示謹

奏同治元年十二月二十八日

謹將查明失守各員內情節可原各銜名事由繕具清單恭呈

御覽

補用知府候補同知署諸暨縣事甯海縣知縣許瑤光查該員在浙多年歷任均著賢聲上年在諸暨任內九月初五日賊由浦江竄撲縣城該員帶團守城二十餘日屢獲勝仗旋因賊繞越諸暨突陷蕭山官兵退保杭

州賊復分股回撲諸暨二十六日城陷該員帶勇巷戰
頭額顛頂共受重傷七處百姓搶護得生臣稔其賢調
赴營中醫治驗視傷痕宛然見在軍中幫辦營務
代理海甯州事海甯州州判宋昭綸

查該州於上年杭省被陷之後八日猶力守孤城以待
援師卒以力竭被賊於十二月初五日攻陷該員左肩
及腰肋均被鎗矛中傷登時暈絕賊棄擲城外百姓昇
歸將養得該員平日官聲素好其由州判代理海甯
州事亦由士民稟保所致

奉化縣知縣徐傳冕

查該員由部選到浙於上年十月十六日接印縣城卽於二十四日失守該員到任未及十日倉卒被陷非意料所及人尙樸謹堪以造就見在甯波軍營

補用同知代理平潮縣事汪元祥

查咸豐十一年三月海鹽乍浦俱失時該員力守數月屢挫兇鋒五月間會同江蘇之金山奉賢華亭各縣民團與賊打仗曾經江蘇撫臣奏報有案旋因四面皆賊遂致失守該員平日官聲甚好深得民心

升用同知餘姚縣知縣陶雲升

查該員平日官聲甚好人亦正派上年十月縣城失守
見在隨同收復功過尙可相抵

議政王軍機大臣奉

旨另有旨欽此

同治二年正月十三日內閣奉

上諭左宗棠查明失守城池之情節可原各員開單懇
請原罪留營一摺咸豐十年十一年間賊匪竄擾浙省
署諸暨縣知縣許瑤光等失陷各城例有應得之罪惟

據該撫聲稱各該員或到任未及數日倉卒被陷或平日官聲素好臨時殺賊受傷或事後隨同收復城池雖罪有應得而情尚可原與間警先逃棄城不守者究屬有閒所有單開之補用知府候補同知署諸暨縣甯海縣知縣許瑤光代理海甯州知州海甯州州判宋昭綸奉化縣知縣徐傳冕補用同知代理平湖縣知縣汪元祥升用同知餘姚縣知縣陶雲升均著革職免其治罪准其留營差委該部知道單併發欽此

請將殉難知縣

賜卹片

再署仁和縣知縣吳保豐係河南開封府祥符縣舉人
分發到浙十年十月署仁和縣事十一年九月杭省被
圍該員隨同守城十一月二十八日城陷時該員衣冠
乘馬與賊巷戰在板兒巷地方中鎗墜馬罵賊不屈遇
害家丁李升潛爲收葬乘間逃出在福建呈報經福建
撫臣轉咨前來臣訪悉該員平日居官廉謹死事最烈
仰懇

天恩准將知州銜署仁和縣知縣吳保豐照知州例俯
准賜卹入祀杭州昭忠祠以慰忠魂伏乞

聖諭施行謹

奏同治元年十二月廿八日

議政王軍機大臣奉

旨另有旨欽此

同治二年正月十三日內閣奉

上諭左宗棠奏請將殉難知縣賜卹等語浙江署仁和縣知縣吳保豐十一年間杭州省城被圍時隨同守城城陷後與賊巷戰中鎗墜馬罵賊不屈遇害殊堪憫惻知州銜署仁和縣知縣吳保豐著照知州例交部議卹

並准其入祀杭州昭忠祠以慰忠魂該部知道欽此

總准已革總兵留營差遣片

再已革記名總兵羅大春上年杭城失陷奉

旨革職交臣提訊該革員於今年二月到衙業經具

奏在案伏查該革員於道光廿九年隨征粵西疊次打仗出力府擢總兵上年六月克復嚴州戰功亦著繼因各軍潰退該革員固守嚴州八十餘日糧盡被陷始率所部進援杭州迨屆城事急總兵况文榜受傷上年十一月廿六日前撫臣始檄該革員接統其軍時距杭城

之陷僅二日可以爲法受過而論固屬法無可寬以原
情定制而言實則情有可恕昨據嚴州士民稟請該革
員留帶團練臣察其情詞極爲真切查該革員年青力
壯膽技尙優若遂照例擬以發遣甚屬可惜可否仰懇
天恩准將已革總兵羅大春暫行留營差遣由臣隨時
訓督以觀其能如所不知愧厲自當

奏請從重治罪斷不敢稍事姑容自蹈欺罔之咎理合
附片具陳伏乞

聖鑒訓示施行謹

奏同治元年十二月廿八日

議政王軍機大臣奉

旨另有旨欽此

同治二年正月十三日內閣奉

上諭前因杭州失陷當經降旨將守城總兵羅大春革職交左宗棠提訊茲據奏稱該革員於道光年間隨征粵西打仗出力上年京復嚴州戰功亦著迨嚴州以糧盡被陷經前任浙江巡撫調援杭州接統況文榜之重該革員到杭城時距城陷僅止數日一切不及布置情

有可原業經該撫查明並據嚴州士民稟請留帶團練
懇暫留營差遣各等語已革總兵羅大春著加恩准其
暫留左宗棠軍營差遣以觀後效倘再不知愧奮卽著
嚴參從重治罪欽此

迎復祁縣生擒首逆捐

奏爲官軍連克湯溪龍游蘭溪縣城金華府城生擒首逆恭摺馳奏仰祈

聖鑒事竊湯溪踞逆經官軍追圍日久窘蹙益甚蔣益禮於城外加掘重濠屢次擊敗金華援賊時復射示城中曉以禍福賊目僞朝將彭禹蘭遂於正月初九日遣人請蔣益禮軍前乞降蔣益禮隨令副將劉樹元守備徐文秀軍功李世祥等至城邊與之約彭禹蘭於初十日亥刻甫將僞忠神天將李尙揚僞瀛天義張公慶

喻天義劉明榮慈天義李加斌等賊目八名誘至濠邊
劉樹元徐文秀等出其不意擒解回營蔣益澧見巨慙
就縛比夜飛飭各營分攻城壘自率親兵於西門策應
并約督臣所派助剿之道銜知府康國器率閩軍攻南
門彭禹蘭見官軍大至疾啟西門徐文秀匹馬衝入劉
清亮曹魁甲周廷瑞賀國輝王東林率所部繼之槍賊
齊施刀矛並舉該逆無路奔逃併力巷戰約一時許斃
賊三千餘名適余朝貴丁賢發亦率所部梯城而入遇
賊即殺又斃賊二千餘名城內各處火起賊屍枕藉號

哭聲聞數里各悍賊奪門出走自相蹂藉死者不知其
數聞有跳越重壕者經高連陞謝永祐楊道洽各率所
部截殺康國器復督越軍於南門擊之又斃賊四千餘
而城中之賊盡矣其東門壘中之賊見城破火起卽棄
壘驚竄亦被高連陞等分投擊殺淨盡登將城壘攻克
時已天明蔣益澧飭高連陞熊建益卽率各營乘勝進
擊援賊逆首僞戴王黃呈忠僞首王范汝增僞梯王練
崇坤等正思逃竄見官軍大隊擁至紛向白龍橋金華
府一帶狂奔高連陞熊建益督各營乘勢掩殺斃賊二

千餘名接斬各村餘逆數百名自酤坊開化村至白龍
橋等處賊壘數十座一律焚毀奪獲輜重器械軍火馬
匹僞印不計其數此十一日克復湯溪縣城首逆就擒
並追勦援賊大獲全勝之實在情形也龍游踴逆負隅
不出已久官軍大小槍礮徧轟晝夜不息仍忍飢頑踞
如故除夕四更微雨初止有賊數千突出撲東門官軍
噴筒火箭近射營壘劉培元飭官兵憑壘轟擊斃賊約
數百名侵曉仍遁伏舊巢元日馬德順率馬隊巡哨至
城東南五峰廟殺掠食之賊數十生擒二十八名以歸

嗣是駐營湖鎮之崔大光駐營張家埠之劉光明余萃
隆等皆日有擒斬難民之藉挑食野菜逃出者日以數
十計臣知賊將遁矣初九日江西撫臣所派助剿之
道員王德榜憤請率所部再於城南移築三小壘偪之
臣會商劉培元並飭各營列隊以待賊意官軍靈趨東
南忽出悍黨千餘撲西路營壘參將余佩玉督新練溫
州勇丁奮擊斃賊約數百名劉明燈張人和劉明珍亦
率所部衝殺賊敗入城官軍於其入城之時開放劈山
礮轟斃紅衣騎馬賊目數名是夜城中賊自相圍鬪人

聲鼎沸初十十一兩日城賊昇其輜重出屯城外壘中
諸營皆知其竄必速調察益嚴臣復射示城中諭以湯
溪已克李尙揚已擒之故十二日酉刻賊乘月色明澈
居然啓東門向湯溪大路竄赴金華蓋猶不信湯溪之
已克也臣與劉培元先已派定水陸馬步各營分路截
擊並飛飭蔣益澧康國器等整兵以待是時劉培元王
德榜陳希祥賴錫光劉榮合毛正道賴長等各率所部
入城壘將餘逆勦盡一面整隊跟追城中賊目壘天燕
張可成蔡廣元率黨千餘款營乞降楊和貴受之仍派

隊追剿賊之前隊竄及張家埠劉光明李世顏橫出截
之水師礮聲震賊迅竄湖鎮崔大光余萃隆橫出擊
之劉培元復督所部劉明珍梁雲山黃本富及鍾南英
劉明燈楊和貴張人和簡桂林各營與馬德順馬隊繼
之楊昌濬虞紹南李光瑩許瑤光余佩王大臣標親兵
營旂傍向遂昌一路搜剿而進賊且拒且走官軍或遮
其前或躡其後或撓其旁層疊截殺自東門至湯溪一
路中間山谷坡坳賊屍駢列斃賊約近萬餘沿途棄械
逃散及難民乘機逃去者不知其數陣斬首逆陳廷香

李國羣獲其僞印僞令與其眷屬是夜自酉刻至十三日卯刻追近湯溪縣城蔣益澧康國器早率所部挺矛以待賊至卽擊又斃數千追過湯溪大路以趨金華餘賊無幾高連陞熊建益是日辰刻已克復金華府城復派隊邀之鮮有脫者頃據劉培元馬德順鍾南英追賊至金華凱旋面告據生擒賊供賊曰李學金羅萬友梁雲摩已經高連陞擒獲臣已飭查覆若果如此則龍游一城五壘之賊無一漏網者矣奪獲軍械旗幟僞印馬匹不可數計此十二日克復龍游縣城之實在情形也

蘭溪之賊經劉典擊敗後先已分竄浦江城賊無多惟馬公嘴溪西兩堅壘負固以拒官軍聞湯溪破十二日分兩路逃走劉典飭黃少春李耀南黃有功楊芳桂率各營及羅啓勇水師會同蔣益澧所派各營追勦斬賊數百名是夜劉典復飭各營跟追三十餘里又斃賊五六百名解散者不計其數奪獲輜重軍火甚多此則十二日同時克復蘭溪縣城之實在情形也臣見三城已復正擬南取永康武義北取浦江爲進搗金華之計適接蔣益澧飛檄據稱十二日高連陞熊建益督率十一

當旗進紮白龍橋賊首黃呈忠等恐怖殊甚急思奪路
他竄金華府城踞逆劉政宏見黃呈忠等遁走率黨由
東門逃竄高連陞熊建益等乘勢奪門而入殺賊約二
千立將府城克復金華府城最得地勢城垣堅固異常
考歷代浙中兵事均以此爲關鍵攻取之難十倍他郡
此次乘勝而克實非愚臣意料所到此皆仰仗

皇上天威諸文武將士殫忱竭力得以迅速奏功浙事
轉機或在於此其李尙揚一犯自道光二十九年卽入
粵西會匪與賊首蕭朝貴李來芳李世賢等爲死黨僞

官不忠神天將所部老賊多至十數萬巨逆李世賢赴
深陽倚其固守金華爲老巢密屬其以龍蘭湯三城爲
犄角嚴處爲爪牙力抗大軍者也臣於提調後召集各
將士數其罪狀磔之人心稱快此次三日之內連克府
縣四堅城在事文武均屬著有微勞布政使蔣益澧功
績卓著應請

旨交部從優議敘或懇

天恩頒賞物件以示優異廣西左江鎮總兵高連陞應
請以提督交軍機處記名遇缺題奏副將熊建益應請

以總兵

記名簡放署衢州鎮總兵劉培元應請

賞給勇號並加提督銜已革按察使銜花翎卽選道王
德枋應請開復革職處分留於浙江補用並

賞給該員父母二品封典道銜江西補用知府康國器
應討以道員仍歸江西儘先補用其餘在事員弁兵勇
實在出力者甚多可否由臣查明彙保出自

恩施所有克復湯溪龍游蘭溪縣城金華府城緣由謹
會同協辦大學士兩江總督臣曾國藩閩浙總督臣耆

翰恭摺馳

奏伏乞

皇上聖鑒施行謹

奏同治二年正月十五日

議政王軍機大臣奉

旨另有旨欽此

同治二年二月初一日內閣奉

上諭左宗棠奏攻克湯溪龍游蘭谿三縣及金華府城
一摺與本日耆齡所奏情形大略相同浙江金華踞逆

恃湯溪龍游蘭谿爲犄角官軍圍攻湯溪屢次擊敗拔
賊逆勢窮蹙正月初十日藩司蔣益澧密約投降賊目
彭禹蘭內應將偽忠裨天將李尙揚等賊口八名誘擒
旋啓四門官軍衝入該逆無路奔逃巷戰逾時先後斃
賊五千餘名其奪門越濠逃出者復經知府康國器擊
斃四千餘名城中之賊殲除殆盡當將湯溪縣城克復
城外賊壘同時攻克援賊由金華一帶狂奔總兵高連
陞等督軍乘勢掩殺斃賊二千餘名自甯坊開化村至
白龍橋等處賊壘數十座一律焚毀龍游之賊屢經官

軍擊敗初九日忽出悍賊千餘名圖撲官軍營壘參將
余佩玉等督軍奮擊斃賊數百名餘賊敗入城中十二
日賊開東門向湯溪大路竄赴金華總兵劉培元一面
攻復城池逮捕餘逆賊目張可成等率黨千餘名款誓
乞降一面派隊追勦竄賊沿途截殺斃賊約近萬餘名
十三日追近湯溪復經蔣益澧等擊斃數千名餘賊得
免者無幾蘭谿之賊先經臬司劉典擊敗其勢已孤十
二日分兩路逃走劉典派兵追勦先後斃賊千餘名當
將蘭谿縣城克復金華府城踞逆劉政宏見官軍進紮

白龍橋遂於十二日率黨由東門逃竄高連陞等乘勢
奪門而入殺賊二千餘名立將金華府城克復金華等
處逆賊負嵎已久此次官軍連克四城生擒首逆洵足
以寒賊膽而快人心左宗棠調度有方深堪嘉尚仍著
督飭各軍節節進剿並殲醜類浙江布政使蔣益澧戰
功卓著著賞給小卷江綢袍料一件江綢馬褂料一件
白玉翎管一枝白玉搬指一箇大荷包一對小荷包兩
箇並交部從優議敘其尤爲出力之總兵高連陞著以
提督交軍機處記名遇缺題奏副將熊建益著以總兵

記名簡放署總兵劉培元著賞給銳勇巴圖魯名號並
賞加提督銜已革按察使銜卽選道王德榜著開復革
職處分留於浙江補用並賞給該員父母二品封典知
府康國器著以道員仍留江西儘先補用其餘在事出
力員弁兵勇著左宗棠查明保奏耆齡另摺奏把總鄔
勝高儘先外委周進鏐勦賊陣亡深堪憫惻著交部從
優議卹該部知道欽此

議政王軍機大臣 字寄同治二年二月初一日奉

上諭左宗棠奏攻克湯溪等縣並金華府城生擒首逆

耆齡奏克復湯溪三縣城池各摺片湯溪龍游之賊被圍日久勢極窮蹙經官軍於正月十一十二兩日將該二縣城池先後攻克生擒首逆李尙揚等正法逆黨殲除無遺其蘭谿金華兩城之賊聞風畏懼棄城逃竄亦經官軍截殺甚多於十二日同時將城池克復覽奏曷勝欣慰金華等府縣四城地踞上游最爲扼要且爲大股賊匪屯聚之所見已同時攻拔賊之精銳亦爲官軍殲盡下游杭紹諸逆亦必聞而喪膽耆齡左宗棠務當乘此破竹之勢會督閩浙諸軍星夜進搗杭州爲一鼓

殲除之計一面分軍規取永康武義以清後路並著嚴飭浙東兵勇迅速攻拔紹郡及所屬各縣城以期節節進剿爲四面合圍杭城之舉毋稍延誤左宗棠所保出力之蔣益澧等本日明降諭旨均著照所請給予獎敘矣前據朱蘭奏科包立身謝敬兩軍可與官軍犄角充復紹興並保舉餘姚縣生員朱榮等曾經諭令左宗棠分別籌辦察看並將原片二件鈔閱該京卿所保尙有前任浙江候補同知劉書田一員見雖告病回籍而從前所歷諸暨等縣各任治績者何必有輿論可采著左

宗棠一併查奏卽立身所部鄉團是否業已遣散該團首見在避居何處其領隊之陳紹瑩並餘姚紳士謝敬力戰情形均著左宗棠按照朱蘭原片所陳詳細查奏將此由六百里各諭令知之欽此

請將高總兵仍留浙江軍營片

再記名總兵高連陞向隨蔣益澧出師粵西屢立戰功擢保今職前恭閱邸鈔同治元年八月二十六日奉上諭廣西左江鎮總兵著高連陞補授欽此查高連陞自隨蔣益澧抵浙以來克復壽昌湯溪金華三城樸誠

奮勇實爲將領中不可多得之員見值浙省軍務方殷
需材孔亟應請

旨仍留浙江軍營隨同蔣益澧勦賊以資得力俟浙江
全境肅清再請

旨陞見馳赴新任理合附片具陳伏乞
聖鑒施行謹

奏同治二年正月十五日

議政王軍機大臣奉

旨著照所請欽此

查辦浙省失事各員分別定擬摺

奏爲浙省失事應行查辦文武各員先行分別定擬具
奏仰祈

聖鑒事竊維浙省此次被擾殆遍各郡縣或被匪久踞
或曾經竄擾所有失事地方各員自應一律查辦除未
經投到各員容俟查明辦理外其已經來衢投到者理
合先行分別定擬據代辦藩司蘇式敬臬司劉興逐一
研訊取具各該員親供詳勘前來臣復細加察核謹酌
其情罪重輕分別定擬開單恭呈

御覽伏候

訓示施行謹

奏 同治二年正月十五日

謹將審擬失事各員罪名繕列清單恭呈

御覽

已革署杭嘉湖道劉齊昂

該革員於咸豐十一年九月接印十一月杭城失陷雖
訊無帶兵專轄之責且署事未久情節尙輕惟省垣陷
後展轉偷生難從未減應照已革職造恒起例請

旨發往新疆充當苦差

已革鹽運使銜記名道金華府知府王桐

該革員於咸豐十一年三月到任五月郡城失陷查金華府城堅固易守該革員於賊未至之先到任兩月如果守禦嚴密何至一攻即陷雖訊因存城兵勇無多復以張玉良大橋兵潰致守城兵勇驚潰失守該革員當時亦曾受重傷究屬罪無可追應請

旨發往新疆充當苦差

已革留浙補用副將余永椿

該軍員於咸豐十一年帶勇七百名駐紮龍游驛前以
顧通衢要道龍游失守八月復調赴嚴州行至威坪被
賊包抄勇丁傷亡不少所部止賸二百餘人雖無聞警
先潰之事然打仗不力屢次挫退咎實難辭應請
旨發往軍臺效力贖罪

革職留任署於潛縣事候補知縣包容

查該縣本無城郭杭城既陷勢不能支第責重守土咎
無可辭應請

旨發往軍臺

前署安吉縣事候補知縣周冕

查該員委署在兩次失守之後又無防兵力難指禦惟據稱失守之時係奉調進省意圖掩飾應請

旨革職發往軍臺

前署新昌縣事候補知縣楊詩益

查該縣本無防兵賊至時率團抵禦尙無棄城先走之事惟責重守土咎無可辭應請

旨革職發往軍臺

前署甯海縣事候補知縣黎定攀

查該縣防兵本屬單薄縣城失守實因眾寡不敵所致
應請

旨革職發往軍臺

前署雲和縣事候補知縣柯沅

查該縣本無城池賊於上年三月由景甯竄至南鄉集
圍守禦致被闖入縣治應請

旨革職發往軍臺

前代理龍游縣事衢州府經歷朱毓榮

查龍游本當賊衝該員委代在失事之後城中又無官

兵駐守城池失陷情節尙輕惟備禦不嚴致以堅城資
賊應請

旨革職發往軍臺

前署金華府事候補知府徐應晉

查該員接署金華知府已在府城失事之後其回杭州
係奉前藩司林福祥札調在城外辦理支應於失事本
案情節最輕惟據甯府印被搶嗣雖尋獲呈繳究屬咎
有應得應請

旨革職毋庸留營效力

議政王軍機大臣奉

旨另有旨欽此

同治二年二月初一日內閣奉

上諭左宗棠奏浙江失事應行查辦文武各員先行分別定擬開單呈覽一摺浙江各府縣或被賊入踞或曾經竄擾該地方失事各員均應一律查辦見經該撫訊明已革署杭嘉湖道劉齊昂雖無帶兵專轄之責惟杭州省城陷後展轉偷生難從末減已革金華府王桐乃賊匪未至之先業經到任兩月該府城堅固易守如果

布置嚴密何至一攻卽陷雖因兵單失守該員亦曾受
重傷究屬罪無可追劉齊昂王桐均著發往新疆充當
苦差已革副將余永椿雖無開警先逃情事惟打仗不
力屢次挫退著發往軍臺效力贖罪該職留任署於潛
縣知縣何容該縣本無城郭杭城既陷勢實難支節責
重守土各無可辭著革職發往軍臺前署安吉縣知縣
周鏡委署在兩次失守之後又無防兵力難堵禦至據
稱失守之時係奉調進省實屬意圖掩飾前署新昌縣
知縣楊詩益該縣本無防兵賊至時尚無棄城先逃之

事前署甯海縣知縣黎定攀於縣城失守實因稟稟不
敵所致前署雲和縣知縣柯沅該縣本無城池致被擱
入前代理龍游縣知縣衢州府經歷朱毓榮委代在失
守之後城中又無官兵駐守失陷情節尙輕惟以上五
員均有守上之責豈可稍涉寬縱周冕楊詩益黎定攀
柯沅朱毓榮均著革職發往軍臺前署金華府知府徐
慮善於失事本案情節最輕惟府印被搶實屬咎有應
得著革職毋庸留營效力該部知道單併發欽此